

之分剽報可

已丑戶科給事中朱文煥奏周延儒重荷國恩毫無補救群
喙攻交萬無可留報聞

賊自順德至內邱由臨城直抵郝庄賊衆數萬屯小西天山
中內邱知縣王世泰擊于豹子口不利其弟世寧死之

前北城兵馬司指揮劉鳳憂去召畫工繪聖駕耕藉之圖工
首于東廠逮下詔獄

五月壬辰朔予故 部尚書康新民祭塋
上聞盜攻交河縣勅責撫按不報


癸巳巡撫山西許鼎臣以流盜恣掠請蠲積逋并豫免數年
以後不許

甲午諸官軍擊賊于臨城縣賊連戰五日賊死千計仍歸小

西天山中

戶部右侍郎劉榮嗣等奏調兵剿賊非守城也近撫臣多派
雄兵株守郡邑意城池已恙可遣失事之責不知戰野掠宿
飽何用攻城此名為防盜寔同縱盜蕩平無期病全在此請
城守付有司率其丁壯馮高設險調兵專主剿賊

乙未限廢吉士給假五年為期



戊戌侯恂為戶部尚書鄭茂華為右副都御史巡撫廣西
己亥進祖大壽孟達左都督吳永祿署都督僉事

庚子雲南曲靖府王舍安邊與安其爵其祿同祖弟兄也其
爵世烏撒知府其祿欲仍受霑益知州脩好巡按蔡侃解諭
之俱聽命

壬寅揀漢虎墩兔慈同河套五萬餘騎自清水橫城分入守
備姚之夔等不能過臨河堡參將張問政沙井駙副總兵史
開先岳家樓守備趙訪皆逃遂薄靈州搃兵賀虎臣以千騎
入守乙巳出戰敵移入屯堡連屯數十里殺掠慘甚上怒

巡撫耿好仁尋逮之

癸卯賊出畿境

甲辰西安知府陳龍鱗有罪下臺訊

丙午太監張應朝調南京司禮監與胡承詔協同守備


丁未起惠世揚蔡國用大理左右少卿

故都指揮使金國奇贈太子少保右都督世外衛百戶故王

來聘贈都督僉事世襲本衛指揮僉事

戊申賊薄衛輝府人心洶懼撫臣馳救始安

守備梁陳甫剿連州猛賊死之



張全昌為鎮朔將軍總守官鎮守宣府

已酉諭兵部流賊蔓延各路兵將雲集一切功罪勤惰應有
監紀特命內中軍陳大金閻思印張應昌左良玉鄧北中軍
監紀功過督催糧草仍着內庫發四萬金蟒素紅段四百匹
紅素千匹軍前立賞

庚戌延綏副總兵張應昌擊延綏西路賊于負小川斬四百
十五級西路稍寧

奪故張春贈右副都御史秩安置其家永平謂陷也

壬子河套西犯延綏定邊營官兵擊斬一百二十七級

丙辰總兵鄧玘擊賊于善陽山大敗之賊為奪氣

已未左都督張延登劾巡按河南御史曾倜坐視慘毒御史


規避脫卸且屬官不職朦薦不糾上是之命逮入法司

庚申賊陷涉縣已走黎城

工科給事中孫晉上言徐邳而下至安山無歲不決無決不
害而最劇莫如蘇甯建義宜亟講求疏塞之方此天下兵餉
通塞之間也

六月辛酉朔譚弘業嗣伯

壬戌楊嘉謨為三屯營總兵強陸自強為大同總兵



命太監高起潛監視錦寧張國元監視山海永平石塘等路
兵餉犒賞。

乙丑川兵潰于林縣毛兵殺傷甚衆潞王常洵告急乞撫臣
駐衛輝調度


吳偉業曰涉林安輝等縣一山所綿亘也結于林聯絡于
輝旁分于涉滋蔓于安其在濟源之賊又北從陽城西自
垣曲而來此另一黨也當是時左良玉鄧垹之外更有湯
九川京軍以羽林倂飛之士從中下扼而殲之賊成擒耳
延至冬月河冰復堅賊竟由滎池南渡河北無一人追賊

者嗟乎三晉地形險固畿內河北山川犬牙相錯神京扼
之于前黃河繞之于左閩外諸君併心滅賊辟如逐鹿于
園中探丸于囊底飛走路絕形屈勢窮乃縱使渡河魚爛
土崩不可復救當事者謂宜塞太行之口而不知斷黃河
之津君子于六年十一月滎池之事未嘗不撫卷太息以
為此中原之所以潰國家之所以亡也

丙寅紅夷千餘人犯漳州明日突攻中左所官軍失利

丁卯戶部言錢糧奉旨免二分今有司多徵十分命查奏

挿漢虎墩兔懸犯延綏



遣文武大臣禱雨郊壇

己巳天津保定大風雨傷稼壞海運舡米十萬五千六十六石蓋六萬五千九百二十三石

庚午延綏西川降盜王成功乘邊警糾眾復叛于西川掠雙湖峪延綏巡撫陳奇瑜總兵王承恩方禦揅漢即分剿于王家岔斬百四十一級

辛未河套犯靈州橫城


癸酉流盜陷和順縣殺典史薛家相

乙亥王承恩擊賊于膈膊峪斬百八十八級王成功殲焉時

又大雨西川平

大學士鄭以偉卒子字器江西上饒人萬歷辛丑進士由庶吉士補編脩歷禮部尚書兼東閣大學士考績進太子少保以偉學極博歷官三十年雖無他謀畫而居心平恕疎于世務嘗票重罪疏有何况字誤以為人名擬旨何況着撫按提問上駁改乃悟由是有館員須歷推知之諭輕變成法大啟營競此亦治亂之一閔也卒時篋中僅三金予祭塋贈太子太保謚文恪

戊寅延安知府張允恭為僕齊守禮所弑



庚辰大學士周延儒罷初溫體仁與延儒深相結延儒援之以進至是體仁將奪其位太監王坤劾延儒舉朝爭之體仁無片語相助及王志道召對上語延儒曰卿昨辨王坤疏日後好入史書又王坤計二十餘則皆有蹟上恐起爭竟留中于是即義皇上人一語窮詰不已寔則用王坤之言也凡與延儒為難者體仁皆援之以進助延儒者皆誅焉延儒性警敏稱上為義皇上人其說有據遂不可解命行人王芝瑞護行

甲申上以戶工二部外通千七百餘萬當令科道分催時

督餉方裁故下部院酌議部院請但查叅完負罷不遣河南大旱密縣生旱魃澆之乃雨

七月辛卯朔大風拔木

壬辰賊屯武安


五經博士曾承業論死草龍峽

癸巳浙江江西以段匹濫惡責有司議處

廣東四會縣典史李逢時剿猛賊死之

以陳應元為右副都御史巡撫登萊東江備兵援遼恢復金

復海蓋




逮 搃兵沈翹楚入京以輕信奸弁妄開邊衅也

丙申賊陷山西樂平縣

召兵部尚書熊明遇等于平臺諭沈榮通搃漢欺擅辱國明
遇對曰天語嚴毅臣等不勝惶懼退而思之在邊臣處置失
平耳于天威無損也向報建州率五六萬人而西搃漢號四
十萬且遠避之五月薄宣府六月初薄大同相持數日復薄
宣府繼報七慶等夷領精騎而東薄張家口挾賞宣府通官
與宰賽講析講訖即徙幕而去至七月朔撫臣沈榮手書曰
青永為哈喇慎諸部現在墻下與撫夷官懽然道故往諭之

啟其悔心兼可攜建州之黨明旨雖嚴不亦紓邊臣之難乎
明日見密封監視王坤奏甚駭之又副搃兵宋守義報有誓
稿即奏聞其誓中二語最不倫恐觸怒刪之今搃漢臨邊弭
耳而去俱 皇上威靈所及聖意云辱不過謂誓稿數語耳
漢唐英主于塞外慢書皆置不理即本朝款貢言語豈能盡
馴邊臣卻而不奏今此舉寔不成盟中軍都司等官與之頡
頰講誓以捐俸犒勞為詞未聞朝廷裁處于天威何損哉初
搃漢屯膳房堡沙嶺時撫北搃兵王世忠巡撫沈榮因私犒
三千金搃漢鑽刀說誓事聞 上初猶豫熊明遇力為之請



上以問周延儒伏地不對者久之。上乃不允。以誓文中朝

廷與棟漢並體尋逮蔡遣戍罷口北道兵備范鑛赤城道劉

義瑤

建陷旅順島殺總兵黃龍

戊戌命行人徐象美召舊輔何如寵

職方司郎中李繼貞以覆梅之煥功罪不入前旨免官

庚子叙內臣守萊州功徐時得翟升各廕錦衣衛正千戶餘

陞賞有差

辛丑夜賊入永和守備胡貢中擊走之賊奔吉州

癸卯棟漢千騎犯延綏靖邊堡官兵擊斬八十四級

乙巳曹文詔擊賊濟源斬六百四十四級

命太監魏相監視登島兵餉

戊申曹文詔敗賊于孟縣斬二百三十九級

庚戌督理河道工部尚書朱光祚免以淮水沒祖陵復逮之

癸丑巡撫山西許鼎臣免

乙卯徐光啟復文淵閣大學士廕中書舍人


吏科給事中曹履泰下獄吏部郎中王三重俟事明奏奪以

彭澤知縣張子廉陞運同由監生項珍居間而履泰書囑三

國權

崇禎六年

丈



重及考功負外郎弓省矩也省矩了告還里亦下獄履泰成
雷州省矩在獄自經

已未戴君恩為右僉都御史巡撫山西提督鴈門等關
總漕戶部尚書李待問罷

逮河東道副使葛如麟以棹漢入犯也

八月庚申朔劉榮嗣為工部尚書總理河道

巡撫河南樊尚景以侈提飾報削籍

賊復犯沙河之丹井入邢臺大嶺

乙丑諭田賦定額戶部尚書侯恂言賊役全書款目錯雜田

大畝丁口又率不得原額增減多少何由稽考莫若以萬歷會
計錄為據開今額若干或增或減自何年始見田應徵錢糧
夏秋起存等項每畝共該銀若干合派遼餉另立一則庶攢
造為易

丙寅官軍擊沙河賊斬七十一級

庚午楊一鵬為戶部尚書總督漕運兼巡撫鳳陽賀世壽為
兵部右侍郎巡撫天津


辛未巡撫浙江羅汝元以多海盜削籍

乙亥張應昌劓王剛賊斬八十九級

國權

崇禎六年

十九



丙子叅將艾萬年等戰岳陽斬三百四十七級時西岍降丁
零盜數有斬獲

戊寅喻思恂為右僉都御史巡撫浙江

辛巳議築城張家灣

湖廣大旱賊屯元氏縣

壬午兵部請復石星世廢不許

丙戌總督梁甫擊賊元氏之石家溝斬一百三十二級

潞王常洵叅衛輝知府苗自成闕祿藐肆命逮之

九月庚寅朔賊犯平山縣

甲午孟縣知縣馮 出鄉關回道被賊執

己亥張應昌剿豫賊之返晉者于平山斬一百六十餘賊獲

賊魁張有義即一盞燈也始知渠帥紫金梁五月死老狐

七月射死賊以河南畿內山淺而山西深險可巢也


孝義土賊來降

大盜王之臣等衆五六千人乞降監紀太監入奏許之

搃兵左良玉副搃兵湯九川擊武陟林縣京兵協剿連敗之

斬百十二級又百餘級

壬寅命沈世奎為搃兵固守皮島檄諭朝鮮世奎因遣叅將



程龍檄皮島宣布朝廷德意因至朝鮮

甲辰夜懷慶大盜越獄六十一人遂逮安慶衛指揮僉事方久乾知縣劉之玄

戊申倪寵以原官提兵鎮守登萊防戰

庚戌馮英為刑部尚書改唐大章唐南禮部尚書

以錢士升為禮部尚書兼東閣大學士

汾陽知縣費甲鏞以監紀閭提兵張應昌駐縣逼迨苦供億

遂投井死

襄城縣沙雞來其形小于鴉大于鷄土色鬼蹄不樹栖自西

北飛來以萬計續過不絕至冬止俗呼煞雞本產沙漠飛入內地識者以為兵兆也

十月庚申朔登州雨雹

丁卯賊犯趙州及寧晉南宮


山西賊自沁水乘冰渡閩鄉越嵩山

戊辰大學士徐光啓卒字子先江南上海人萬歷甲辰進士

官檢討歷河南道御史以疾去起歷禮部右侍郎以忤璫罷

崇禎戊辰復官專脩歷法擢禮部尚書至大學士博學善星

歷性行淳謹予祭墓贈少保謚文武



庚午兵部以五臺山數賊且地塞龍泉關屬真定則梁甫不
得畫疆蔡家峪屬大同則曹文詔不得坐視而張應昌有地
方之責更宜援桴汎掃云
賊犯行唐靈壽平井
丙子工科給事中文士昂請停刑
丁丑游擊白安破五臺賊巢
戊寅總兵鄧玘討平井賊斬五十九級賊走屯五臺山
已卯禮部尚書林欲楫言天下所最患者曰官貪曰民窮曰
兵弱 上是之


壬午鄧玘擊趙州等賊斬六十二級

癸未揀漢犯寧夏

甲申撫標兵追賊洪澗村斬百四十九級

趙州賊至寧晉阻清水河不得渡南宮被掠甚慘總兵梁甫
在獲鹿隄期始至賊已至栢鄉西歸五台山矣五台山周回
數里南通畿輔東枕大同北接鴈門西連太原賊據顯通寺
窟于中臺其中新糧廬舍皆備險阻足恃官軍雖云夾擊其
寔未也

論囚 上素服御建極殿召閣臣相商溫體仁竟無所平反



陝西華亭知縣徐兆麒到任七日城陷論死 上頗心惻體
仁無一語竟棄市人皆寃之

十一月己丑朔王應熊何吾騶為禮部尚書兼東閣大學士其
甲午叅將程龍抵朝鮮王京面諭國王李倬隨輸米二千石
辛丑錢士晉為右副都御史巡撫雲南
癸卯司禮太監鄭之惠總督東廠
甲辰揀漢部巴鬼等五十餘人來降
庚戌鄧玘為鎮守保定兼備倭總兵官
官兵敗于紅蓮會


洮州衛地震

流盜數千避官兵走順德西山保定巡撫丁魁楚分路進剿
賊南奔陽武山中追至武安京兵敗之于陽邑之石坡村

亥辛兵部題保定河南山西巡撫會剿

壬子叙州定遠堡龍洞內忽有銅鼓聲甲寅又有聲先年奢
寅敗聲聞三日崇禎二年二月有聲水西兵犯永寧

乙卯武安涉縣賊佯乞撫乘冰渡河陷澠池河南通判袁勳
遁四川按察使劉永祚入覲過縣失勅書及御覽文冊賊分
入河南湖廣漢中興平



丁巳勅獎朝鮮王李倬助餉賜金幣

吏部題故左都御史溫純子廕有旨純得廕子何至今方請
且癸巳乙丑方登二品初考及冊立大典臣子擅敢拉功殊
屬誣妄爾部詳核不得輕徇

前南工部尚書丁賓卒字禮原浙江嘉善人隆慶辛未進士
令旬容稱循吏累至今官歷官定心任事纖悉詳盡無遺力
故聲績茂著泰昌初致任進太子少保年九十一予祭葬贈
太子太保謚清惠
進溫體少傅建極殿大學士兼吏部尚書廕中書舍人

巡撫戴君恩擊賊武陟斬二百五十二級又剿興嵐賊于汎

溪斬一百七十三級

山西垣曲縣賊漸薄濟源

十二月己未朔賊陷伊陽


國子監進二十一史


庚申張捷為吏部左侍郎賀逢聖改吏部右侍郎

賊陷盧氏縣

兵部議調貴州鎮守兵五千禦流盜于襄陽德安

辛酉郭九鼎吳家周洪恩炤姜應甲為給事中梁雲構葛徵





奇韓一元龔廷獻張壽祺為試御史壽祺南京

壬戌令順天尹求雨

癸亥李懋芳為大理左寺丞

乙丑督脩歷法陝西按察使李天經上歷書

唐火內殿再火

丁卯賊犯孟縣和順又孝義縣降丁復叛者七百餘人

戊辰林鈇陳子壯為禮部左右侍郎並兼侍讀學士

賊抵王屋山犯西陽約二萬人官兵止二千餘以炮却之

賊掠浙川內鄉光化均州

己巳吳宗達考滿進少傅吏部尚書建極殿大學士廕中書

舍人

辛未張其平為右僉都御史巡撫保定督理紫金等關

癸酉賊攻羅山掠鎮平葉唐二千餘人屯杏花山千餘人屯

沙羊口

甲戌賊犯嵩縣

乙亥劉宇亮胡尚英俱為詹事纂脩玉牒

丙子賊犯南召

丁丑賊萬人犯伊陽官軍拒走之

賊掠汝寧之西平裕州左良玉稍有斬獲餘逗遛不進

戊寅賊犯南陽

前巡撫山東余大成遣戍

庚辰賊假香客陷鄖西掠遂平

辛巳賊掠確山往信陽州蓋伊汝所由往也京營兵至橫山

追敗之

沁陽賊走南陽唐縣巡撫玄默恐東犯汝寧移駐確山

壬午叙復登州功復朱大典原告進兵部左侍郎世錦衣衛

百戶巡按謝三賓進大僕少卿餘陞賞有差進吳襄都督同

知世錦衣衛百戶祖大弼實授都督僉事廕外衛正千戶靳

國臣張韜各署都督同知祖寬實授都督僉事各廕外衛副

千戶劉邦域王憲董克勤各署都督僉事吳三桂栢永馥各

實授都督僉事金良椿署都督同知祖大壽左祖督陳洪範


太子少師鄧玘都督同知劉澤清右都督各廕外衛百餘陞

賞有差

癸未東江石城島都指揮使尚可喜叛投建州時孔有德耿

仲明在延力河泊舟可喜因掠長山廣鹿諸島縛都指揮使

孫奠邦李承恩等



賊破上津縣

丙戌夜賊突陷鎮安執知縣趙瑞庭後釋還以城印俱失逮

之

丁亥大風雪雷電

陝西山西大饑

總理戶工二部事太監張彝憲請入覲官投冊以隆體統許

之

國權

崇禎七年甲戌

正月戊子朔天下官來朝

庚寅山西總兵官張全昌渡河擊賊靈寶縣斬二百十七級

辛卯南京廣西道御史張壽祺奏右庶子丁進主考南場賄

中鄭光昌等如程中葆關節圖書契約見獲乞下進法司毋

得偉脫


德世子由樞奏山東汶上縣租地係佃戶收解前鄉官刑部

國權

崇禎七年

崇禎七年

一



郎中河南知府高默奏為民累汶上知縣朱汝楫等黨助蒙
旨叅究問官不即見直

予故

劉憲龍祭葬

湖廣下荆南道副使徐景麟守鄖陽

湖廣下荆南道副使徐景麟守鄖陽總兵左良玉兵至守者

謂流寇也炮傷三人事聞逮景麟

官軍擊於賀蘭山後斬二百餘級

壬辰降盜王剛王之臣通天柱等至太原挾賞巡撫戴君恩

宴於明日斬綱等各營共擒斬四百二十九人王之臣即豹

五通天柱即孝義王賊也賊黨供稱馬守應老狗已死既

而偵之仍在東山而西山則有翻山鷄姬閔穎掌世王三賊

尋生得獻俘而奇嵐大盜高加計號顯道神尤橫會大旱災

飢民日投賊

楊應瑞為南右軍都督府提督大教場陳兆簡為南右軍都


督府僉書

陸自強以原官提兵官鎮守山西

吏部尚書李長庚等為湖廣議濟師留餉命將

張獻忠犯信陽鄧州兵科給事中史可鏡請鎮算兵數千剿

楚寇控扼襄陽德安兵部奏調鎮算五千以施南等處兵足




其數賊盡入應山都司僉書周元儒擊敗之以長州兵赴德
安民兵赴應山此防楚東北情形也豫撫報左良玉星馳鄖
陽聽撫調度李卑馳光化與楚兵犄角此援楚西北之寔情
形也

賊自鄖陽魚金口渡江之界山花石街薄穀城明日鄖州九
星院至光化又明日自雙溝至新野而襄陽賊渡襄陽蔡村
過宜路六路俱集襄陽兵不能支又賊四五百人自浙川入
郢犯南漳宜城房縣竹山園均州往荆門西北夷陵興山巴
東麓陽

甲午兵部右侍郎彭汝楠致仕
乙未官兵戰山西翼城之青城村斬一百六十三級
丙申刑科給事中李世祺劾奏大學士溫體仁吳宗達忤旨
謫世祺


賊自鈞州掠穀城遂趨襄陽

丁酉張伯鯨為右僉都御史巡撫延綏
司禮太監盧繼寧往封朝鮮國王
有靈州丁卯貢士陳有增陷
許禱貢士為削髮也
逃回入殺胡堡求應禮閣不



辛丑賊陷洵陽偪興安而西鄉土寇乘之漢中為震游擊唐
通率兵五千人剿土寇而興安賊隨破紫陽平利白河三縣
分守道王在臺固守興安唐通又搃督洪承疇赴之城得全
時練國事移兵高維巡按御史范復粹馳赴漢中賊始奔南
破鳳縣入四川
壬寅前吏部文選司員外郎弓省矩以有罪命下刑部獄尋
自經獄中
乙巳督脩歷法山東右叅政李天經奏月食有旨七政諸行
須晝夜考測李天經言七政之餘依新法則火土金三星本

年九月初旬會于尾宿之天江左右本星于是月前犯鬼宿
之積尸氣一時五緯已有其四非必以數合天即天驗法之
一據也從來歷家于列宿借星有經度無緯度雖回、歷近
之猶然古法故臣等所推經緯度數時刻與監推各、不同
如本年八月秋分大統歷筭在八月三十日未正一刻新法
筭在閏八月二日同監局官生測太陽午正高五十度零六
分尚差一分入交推變時刻應在未初一刻一十分略合新
法隨取輔臣徐光啟從前測景簿數年俱合春秋傳曰分同
道包至相過也二語可為今日節變差訛之一証蓋太陽行



黃道中線迨二分而黃道與赤道相交此晝夜之所以平而分應所由起也迨二至則過赤道內外各二十三度有奇夫過赤道為二十三度為真至則兩道相交于一線詎不為真分乎太陽有平行有實行平則每日約行若干而實則有多有寡獨秋分為然謹將諸曜會合凌犯行度開具乞禮部委司官同監局官生詳議以聞又蒲城布衣魏文奎今言年甲戌二月十六日癸酉曉刻月食今歷官所訂乃二月十五日壬申夜也八月應乙卯月食今乃以甲寅遂令八月之望與晦并白露秋分皆非其期訛謬尚

可言哉臣年七十八謹將本年日食月食時刻分秒令男魏象乾進覽

命召文奎入京測驗

丙午另賊自鈞州經穀城


辛亥殺胡堡守備葉逢春報建

三千騎與降夷相殺自水口入犯

癸丑賊犯遷安縣

大學士錢士升入朝

甲寅鎮守副總兵楊正芳敗賊于舊縣金沙鋪



乙卯楊正芳破荆門州土賊。

賊攻房縣明日夜毀民居門板昇攻坎城入之又陷保康

丁巳禮部磨勘鄉墨摘貢士順天董茂成應天姚軒雲相奇

四川曹永嗣羅儒臣廣東宋偉祚鄒萬鎮廣西蔣誠俱分

別罰科有差

唐王聿鍵言南陽知府陳振豪于寇至張皇失措擅取儀衛

守陴崇禎五年臣捐千金繕城令城壞猶故乞別選賢良命

逮振豪下刑部獄

南兵部尚書李維祺言南都鳳泗承天陵寢所在宜以宿壽

襄葉為咽喉淮徐則京師咽喉也乞勅淮南巡撫楊一鵬亟

宜豫備賊勢果東似宜移駐

逃盜王登貴等六十一人投充家丁事覺伏誅

二月戊午朔己未故大學士劉鴻訓卒于山西代州字默承山

東長山人萬歷癸丑進士官編修使朝鮮擢右中允左諭德

憂去起少詹事尋瑞禍削奪丁卯復官拜禮部尚書兼東閣


大學士歷文淵閣直閣以私改勅書減死戍代州計聞仍許

歸葬

賊犯宜都夷陵枝江松滋歸州

國權

崇禎七年



辛酉周宗文為光祿少卿

壬戌大學士溫體仁吳宗達主禮闈

賊陷興山縣

部部院大計畢科道拾遺貴州左布政使朱芹山西左布政

使河東分守道呂遜免餘分別降調巡撫南贛前

陸問禮留用

監視登島太監魏朝以吏科給事中莊釐獻所上太平十二

策內撤監視因求罷不允

賊劫山西交城縣獄收其黨牛應魁出之

摠兵鄧玘以二千人逐賊于鄆西山中斬七百十二級蓋商

南逃餘也

癸亥賊犯萬縣

甲子莊釐獻降浙江布政使照磨

停募戰車

祁陽王禋泂奏岷王企禮謀害章下禮部

乙丑 白貽清蔡侃俱冒濫京堂劾免


中書舍人許燦然乞旌母 氏節以私請不許

丙寅貢士初場海寧郭凝之廣州張庚泰番禺陸應驥海澄

國權

崇禎七年

七



周琦等俱懷挾監試河南廣東道御史韓一光倪于義摘發
除名

建義河工成


鄧北擊南漳賊斬三百四十九級

戊辰巡撫宣府焦源溥擢漢虎墩免憇避建人遠徙部衆離

散梯爰亦領千騎附建人

庚午禮部儀制司郎中袁繼成出為山東提學僉事繼成尋
上言士以廉耻氣節為端有廉耻然後有風俗有氣節然後
有事功如總理戶工二部內臣有覲官賣冊之令 皇上從


之特在清理文移剔釐奸蠹非欲群臣之誣膝也乃今令甫
一出靡然從風藩臬守守叅謁屏息得免呵責為幸嗟乎一
人輯瑞萬國朝宗諸臣未覲天子之光先拜內臣之座士大
夫至此尚得謂有廉耻乎逆璫方張時乾兒義子昏夜拜伏
自以為羞今且白晝公庭恬然不以為怪國家自有覲典二
百餘年以來未聞有此臣所為太息也科臣李世祺論輔臣
溫體仁吳宗達等既降罰世祺復罪考選文選司郎中吳鳴
虞語曰養鳳欲鳴養鷹欲擊若鳴而箝其舌擊而絀其世養
鳳鷹何益今朝廷于言官何以異之言官括囊无咎大臣終



無一議其後大臣所甚利忠臣所甚憂又臣之所為太息也
皇上之所最重者在廉耻而天下誤以跽拜中宮為朝廷之
令甲皇上之所樂聽者在直言而天下誤以攻彈貴近為
天子之厭聞如此非皇上自為挽回其波不止先是袁繼
咸昨歲主考廣東以貢士磨勘被劾于是有旨典試錄卷方
經摘叅既陞提學即應免供本職何得撻拾浮議借題卸責
張彞憲奏辨謂覲官叅謁彌尊朝廷繼咸又上言尊朝廷莫
大于典例知府見藩臬行屬吏禮典例也見內臣行屬吏禮
亦典例乎諸司至京投冊吏部各衙門典例也先謁內臣亦

典例乎事本典例雖坐受猶以為安事創彞憲即長揖祇增
其辱 高皇帝立法內臣巾服靴帽皆與外臣有別而猶嚴
于交結非內外異視也內臣有內臣相臨之禮內臣不得繩
外臣獨外臣之不得繩內臣若必欲以內臣繩外臣會典所
不載 上仍切責之

設遷曰張彞憲令外官投冊奔走海以內設其時有朱雲
之折角抗章以請止論啟交結之漸且印冊去本任或遠
甚其將何以辨明主可與忠言安在其難回也一時結舌
甘誣其膝袁臨侯言之雖晚猶侃侃自命逐漁者濡逐獸



者趨逐闈者唯、諾、吾于是而追思高司空之未易企也噫

知貢舉禮部左侍郎林鈞奏言貢士顏茂猷初場作五經義九二十三篇謄錄恐違式貼出又重其才有旨以其該博許謄錄

辛未上早朝聞橋南人聲命詰之

官兵擊沁水岳陽等飢盜共斬一百六十五級戊寅又斬五十級

逮陝西鎮安知縣趙瑞庭以城印俱失

壬申提督倉場戶部尚書錢春改南京

岷王企鰲劾祁陽王禋汙奪優人妻徐氏并入其二子章下

禮部

夜月食陰雲不見

賊入瞿塘陷夔州殺署印同知何承光道臣周士登通判王上儀推官劉應侯奉節知縣譚楚良俱遁免蜀地陰而瘠雖

陷夔州不能宿留


癸酉議蕪湖戶部權政歸併工部

先是南工部尚書劉定國鑄錢惡濫南兵部謂不便大學士

國權

崇禎七年


十



王應熊以定國座師也擬旨庇之大學士錢士升以南鑄樣
錢約重一銖錢約重九分餘皆帶鑄千文直七錢五分民間
苦之蓋私錢不難禁而以官鑄濟其師猶私益不難禁而以
官掣行其私也禁之為難業草揭溫體仁讀之曰不必揭第
擬嚴旨上之曰錢法繫朝廷大權近聞留都鑄局除樣錢俸
錢外夾帶私鑄非銅非鉛純用偽物薄小輕脆如同鷲眼以
致鑄息竟飽蠹腹民間絕少制錢增局雖多徒增滋弊孔該
部委任何官其查奏于是司官既罰俸蓋南部督鑄同官匠
領銅在外私鑪鼓鑄每千錢取息亦千數且併其工食扣之
尚書類養望不能問也

設遷曰明季惡錢真鷲眼存葉也千文不直銀三銖最後
高弘圖任南部力矯其弊鑄悉如舊令千文准一緡僅給
歲俸售于市仍五銖也又城外其直益輕鑄本俱訕無問
息矣予嘗叩其故有賈人曰自秦晉楚豫燕齊多盜諸市
豪歛錢往、走江南錢壅則直輕官無可禁噫國家利權
日趋于剝薄亦垂盡之徵也

甲戌進何如寵少傅兼太子太傅吏部尚書建極殿大學士
溫體仁吳宗達少師兼太子太師中極殿大學士錢士升何



吾騶文淵閣大學士並廢監賜金幣以復登城功並辭
巡撫大同胡沾恩請散置降夷于河南陝西雜民間耕食事
下兵部

禮部尚書李康先請皇太子出閣

乙亥故魏邦贈都督同知世錦世衛指揮僉事時揆贈

都督僉事世正千戶

張應長為右僉都御史巡撫甘肅王道直為太常少卿轄東

路張鏡心為太常少卿

丁丑叙顯陵功

慶王上言宗祿如慶城王府于崇禎六年方給萬歷二十六
年之祿上異之責向來有司何在

戊寅蠲登萊宿逋且賑之

贈田有穀錦衣衛指揮僉事


命石柱永寧遵義各兵一趨漢沔一趨荆襄聽剿寇

庚辰禮科給事中吳家周論溫體仁越次主試上不悅降

二級調外

壬午故禮部尚書董其昌贈太子太保

溫體仁奏顏茂猷五經墨義真乙榜第一命准廷試于會



試錄另書茂猷正榜前

設遷曰永樂九年 仁宗監國乙榜第一人孔鏞擢左中

允重聖裔也今許顏生廷對並變例而右文惜才于以鼓

窮經之學後來駸有其人矣

兵部尚書張鳳翼進太子少保

甲申 上祀先農躬耕藉田

乙酉予故南兵部尚書陳道亨祭墓贈太子少保

山東海豐縣雨血

陝西臨鞏總兵李甲援河南謂內鄉無警兵部詰責之

曹變蛟招降盜五六百人至汝州仍劫掠

游擊周希諒以千人戰于定水敗沒

山西賊自宜川渡河合降丁飢民蔓延于澄城郃陽間官兵

斬三百餘級餘遁會北兵至夾攻斬百五十級遂突入商雒


十三營號十萬掠洵陽興平流入漢川而盧氏內鄉浙川上

津鄆西之寇皆在三省界上

三月丁亥朔建 出塞

已丑倪嘉慶仍管新餉史可法仍管舊餉

南京右都御史唐世濟上言流寇有四一亂民一駟卒一飢



黎一難氓且分別剗撫。上善之命閣臣擬諭專摠督陳奇

瑜料理

庚寅程註改戶部左侍郎摠督倉場

辛卯 上御文華殿日講畢閣臣退命再入問陳奇瑜今安
在溫體仁對曰聞自延綏程起先推摠督原擬洪承疇因陝
西三邊所恃未輕易故擬奇瑜今彼以延綏精甲請餉三十
萬金 上曰已題留新餉體仁曰昨唐世濟言解散難氓每
人給百錢恐不足資邊 上右顧錢士升士升曰新餉雖留
此時官未盡徵恐不濟急至難氓必資遣方活但給免死票

勢終為賊 上低回久之諭曰鄖陽失事昨處蔣允儀為輕
王應熊曰巡撫須得人 上曰此專在吏部近來用人拘泥
資格用乙榜巡撫為怪體仁曰臣在闈佳卷甚多其空疎惟
四川雲貴畏遠費早選餘省多遲莫不得其用 上曰為乙
榜困抑所以至此又曰近來文章甚浮習如董仲舒天人三
策真文章也

予故

楊守勤祭墓


官兵討平陽飢盜斬一百九十級

巡撫山西戴君恩題留新餉二十三萬金乞准開銷又乞帑

國權

崇禎七年

十四



賑命于太僕寺量給時山西自去秋八月至今不雨大飢人相食


癸巳故戶部主事謫成李秦下刑部獄

乙未南京江西道御史趙志孟乞省建言科臣莊鰲獻章正寔等不聽

丙申荊州推官劉承纓報賊于香溪平陽二壩斬千餘人餘賊走入蜀

已亥大學士何如寵在道屢引疾不許刑科給事中黃紹杰言徂秋周延儒去後特召舊輔何如寵入首揆乃如寵棲遲里門徘徊道路豈有所疑畏瞻顧而不敢前耶從來徃君子小人不能並列則次輔溫體仁當知所自處矣體仁入閣無歲不早無日不霾無地不災無在不盜變理固如是乎秉政既久窺旨必熟故中外諸臣承奉其喜怒則一人當用則曰此與體仁不合者一事當行則曰此體仁皆不樂者如覆一疏本自有公道則懼體仁之意有所屬欲建一議則恐體仁之忌凡此皆召變之由乞勅體仁省躬引咎回天心慰民望也 上責其率妄調外


巡漕御史禹好善奏順濟河決口四十餘丈不可漕與摠河



所報有異命好善往視

辛丑策貢士等李青等三百人于建極殿時閣擬策問二道
聽裁 上自手書大半曰所與共治天下者士夫也今士習
不端欲速見小茲欲正士習以復古道何述而可東人本我
屬夷地窄人寡一旦稱兵犯順而三韓不守其故何與目今
三協鎮守以及登津等處各有重兵防東也敵不滅兵不可
徹餉不可減今欲滅敵恢疆如何作用且流寇久蔓錢糧闕
額言者不體國計每欲蠲減民為邦本朝廷豈不知之豈不
卹之但欲卹民又欲飽軍何道可能兩濟即屯田鹽法誠生

財之原屢經條議申飭不見實效其故何與至于漕糧為三
軍續命匹馬為戰陣急需折截掛欠遂失原額何制其道何
復今雖東人猖獗河套有可復之機邊外儘可作之事但難
于東人窺伺朝野遺乏近降夷繼至作何安插、套連合作
何間破流賊漸起鄖廣海寇時擾浙閩剿滅不速民難未已
兼之水旱頻仍省直多故作何挽回消弭又唐宋曾以武臣
為中書令樞密使文武似不甚分我 太祖高皇帝爭以直
廳為布政典史為僉都今柰何牢不可破爾多士留心世務
久矣其逐款對答毋諱朕將親覽焉進呈十二卷命再呈十



二卷賜劉理順楊昌祚吳國等進士出身有差乙榜顏茂猷亦高第

甲辰賊犯巴州隨氏州

乙巳官兵賊敗于巴州斬一百七十八級

丙午套插漢合寧夏河西玉泉營總兵馬世龍擊之斬犯

五百四十五級歷四月未出

戊申南鴻臚卿袁業泗罷

癸丑流賊二千餘人合犯陝西安定縣游擊李在科知縣張

文耀遁

甲寅偏頭橋叅將桂聯芳戍邊

衡州大風雨桂王府墻圯壞民居

四月丙辰朔逮右僉都御史撫治鄖陽蔣允儀以失陷鄖西竹

山房縣也後遣戍

海盜劉香掠海豐縣

丁巳大同新平堡守口舊夷報投降

盜焚陳州哨及于毫時屯于歸德光山固始


己未吏部左侍郎李遇知等奏請發帑金十萬賑陝西飢事

下戶部

國權

崇禎七年

十七



川兵擊賊于廣元敗走之

戶部尚書畢自嚴削籍

前考選知縣覈完賦華亭知縣鄭友玄以虧金花銀至三百

七十餘金因在京自補之自嚴即收庫未及題 上怒其徇

情故罷之

賊千餘人從 羊腸河口突出千餘總兵張應昌敗之于

大牙山

四川總兵張爾奇同監軍 率各路兵以進賊渡利州河

札陽和白守水等關分四路土人力拒賊走奉節

庚申新平堡參將馬鉄貝誘降夷入市酒之收其弓矢詔以

軍門巡邊出迎遂驅而殲之上首功

辛酉揀夷數百騎犯新平堡傳斥守備王國臣馳斬百餘級

流賊二三萬自石獐山奔河澗

西 歹打兒漢吉囊等前以三萬騎乞降宣大總督張宗

衡請追回降建人者命督撫酌處


前吏科給事中莊鰲獻下刑部獄

壬戌鎮江常州雨雹傷稼

癸亥命進士觀政各衙門務練事諳律毋怠玩仍以二三甲

國權 崇禎七年

六



資格選授上之

乙丑張全昌連擊賊斬四百六十八級

丙寅賊在房縣婦倍于男張全昌擊斬一百五十八級

丁卯安位以安兵送安邊往山東露益州

戊辰鄧玘由竹山竹溪等處追斬賊一百六十二級

己巳涼州副總兵王紹勳以貪婪擅受降夷駝馬降正千戶

調烟瘴自贖

密雲糧儲主事王忠孝以米荳泥爛戍邊

戶科給事中姚思孝言惜才惜刑從之

庚午李卑為總兵官鎮守臨洮

辛未吏部上乙丑科進士選例

吏部以扶風知縣王國訓推戶部主事謂調任未久不許

監視大同太監劉文忠奏新平堡叅將殺降夷啟衅


刑科給事中鍾斗言禳旱脩省定政有八大弊一曰徵輸二

曰苑七三曰有司四曰士氣五曰言路六曰廢棄七曰功罪

八曰獄情 上是之


壬申 陷保安州

癸酉 上詰吏部進士初制云何尚書李長庚等引狀言選



制止據會典及吏部職掌二書洪武二十六年定第一甲第一
一名除編撰第二三名除編修其餘辦事各衙門內外以次
兼除二甲何官三甲何官會典亦未載攷本部職掌開二甲
在內除主事在外除知州三甲在內除評事行人中書等官
在外除推官知縣他亦未之詳也其品級二甲支俸從七品
而知州則從五品主事則正六品三甲支俸正八品而評事
博士推官知縣則正七品中書從七品惟行人正八品今改
從七品此近代銓例也
甲戌命御史梁炳賑飢陝西賫帑金五萬時山西永寧州民

蘇倚哥殺人母炙而食之
川盜二三萬人返屯鄖陽之黃龍灘分三道一均州趨河南
一鄖陽趨浙州一金漆料過河趨商洛盧氏等縣張應昌戰
均州五嶺山失利還均州
商南有流賊千餘官兵斬三百二十七級區河南盧氏山中
者河南總督陳奇瑜逐賊至盧氏賊已往商雒即從之而勝
受降五百二十餘人河南稍安
西小陷得勝鎮卷二堡
乙亥援剿總兵鄧玘逐賊于竹山和平斬一百四十三級




丁丑賊陷兩當縣知縣杜世薦棄城先遁命下臺訊
戊寅諭兵部曰東胡日用仰資中國或因奸人透販或假屬
夷暗購若邊臣果加意禁絕自令坐困乃敵計偏狡我防甚
疎向屢經嚴飭不見恪行兵部可分諭宣天山西昌薊三協
關寧登津等處督撫監鎮查遵前旨自關堡關隘以及墩臺
僻境糧艘商舟俱設法嚴緝彼重烟酒茶絹布縷硝黃銅鉄
粟米針線等犯有確証不分首從烏斬有功負役賞同斬級
如疎透查出罪同出机失仍開列應許屬夷市物奏定尤當分
別逆順如經投彼復來乞費必受彼指使為窺伺接濟之具

即設法殲除絕其窩導

已卯鄧玘于麻家渡斬賊百五十九級

賊攻蒼溪陷兩當鳳縣先是提督陝西三邊洪承疇因挿漢
犯甘肅即漢中行至棧道青橋驛川賊數萬營寧羗州七十
里去漢中三百二十里僅官兵四百于庚申返褒城至沔州
撤援寧羗賊由陽平關過河奔掠鞏昌丁卯承疇過白水江
辛未抵隴州壬申至成縣議守益兵秦州見賊勢重須益邊
兵及兩當鳳縣連陷分道一向邊方一向漢中知府斷棧道
守雞頭岡賊不得至褒城即間道由漢王山犯城固洋縣官



兵助守賊間往石泉漢陰承疇夾擊又別部賊二萬由鳳縣趨寶雞沔陽求撫承疇姑慰諭四川巡撫劉漢儒以三千兵赴秦又湖廣流賊二三萬犯平利蓋春夏間楚蜀賊合于秦撫治鄖陽盧象升總督陳奇瑜以數省兵力萃于楚故賊盡奔漢中興平而四川巴州通江入西鄉者復二三千前自棧道犯城固之賊又東下原泉隰陰凡各賊皆盡歸漢中興平而接于商雒

設遣曰流盜橫于秦五年壬申久盡入晉中癸酉自晉而楚四出莫能制幸其就蜀仍北入秦棧道迫東衆不得成


列假早得精甲萬人驍帥三四輩扼險狙擊十萬之衆立可阱也天隔其會縱虎狂逸長驅數千里奔東突西潰南走北卒無一便地無一勁師相乘以制之豈非九六之運事有適然者與

四川雅州地震如雷

辛巳毛兵敗于武安死亡一百八十二人

癸未賊往四川阻大江謀入西安之終南分兩道南下直羅官兵斬一百五十餘級

宣大收降夷五千一百九十人婦女不預焉時插漢虎墩鬼



慙西徒。

總漕楊一鵬奏去冬十一月穎臨壽虹縣五河蒙城泗州
霍邱盱眙天長靈璧穎上太和等處俱有異鳥叢集羽毛土
色雀喙鷹翅兔足鼠爪其來自西北千萬為群不棲于樹而
田之集飛則蔽天落則滿境盡食二麥蓋亦異災也。

五月丙戌朔監視宣府太監王坤報馬鬃山夷帳千餘

蕪湖權閩督稅改北戶部司官從太監張彝憲之言
有賊出黑水峪西行至盤屋敗于鄉兵復折入南山
丁亥九江長松館居民浚古井得統軍大元帥之印背鐫中

書禮部字年月不辨狀中方外負南昌推官李嗣京上之巡
按李著以聞


蜀賊屯平利縣之白土關臨洮營陳可受擊之失利陣亡百
戶崔重隆把總楊永職守備焦萬廩千總楊承祖焦萬倉大
盜繹絡數百里環興安州境

臨鞏總兵李卑赴援襄陽

報盧氏賊趨陽高南內鄉析川賊潛奔廬陵陝永山中

戊子議賑山西飢民

賊數百人自階州入臨江驛



南膳監太監王永祚議三宮膳著歸併于大庖從之
乙丑故 胡桂芳贈工部尚書 郝名官贈兵部尚
書 馬從龍贈工部右侍郎
諭釋輕囚
擄漢諸部衆約三四萬人在獨石塞外投建人官兵出塞頗
斬獲

庚寅建昌路叅將劉芳聲等私役部卒採木逮成邊
辛卯免浙江崇禎三年以前織造

巡撫延綏張福臻奏本鎮自荒盜以來本色停征民屯二租

已無粒粟至折色惟解延安慶陽已輸鳳翔僅千餘金西安
河南布花銀往歲完十之九今西安之荒不減延綏乞部議
除額餉外量設處五六萬金到鎮設法買將待斃軍民予
以升斗之粟


賊陷文縣守禦千戶所及文縣城去歲大旱入秋早霜冬無
雪今春不雨斗米七錢延綏西路數年不登賊分部一掠廊
延奔綏清金峪者官兵擊斬一千三百餘級一掠延慶亦擒
斬數百皆傍終南山竄入商雒

壬辰裁密縣主簿

國權

崇禎七年

二十四



癸巳禁烟酒


揀漢虎墩兔慈合兵突犯寧夏總兵馬世龍拒之斬八百九十餘級

甲午叙禁順功進俛寵太子太保王朴右都督各廕錦衣衛百戶

乙未巡按陝西御史范復粹報流寇復入漢中一自黃埧犯寧羗一自竹溪入平洵
丙申總督三邊軍務洪承疇以遼東副總兵賀人龍劉成功等兵二千人游擊王永祥騎八百赴藍田蓋寇出陝西之道

有二曰商維曰漢中興平時賊深入南山大峪已近省會故逐之遂東奔綱峪川復入大山遠竄商維其前犯西安涇陽三原之賊李自成張獻忠等俱西奔盩厔鄠二縣南大山北渭河相距三十里各賊出入秦中專徑此遂檄撫標都西高崇選李世春以三千五百人戍盩厔監軍道劉三顧節制杜東西之侵軼

丁酉命誅張醇儒徐在中翟應奎王國輔等其宋晉論辟錢時成邊李寧蘇若霖趙之翰下司禮監柳佐許如蘭呂濬俱褫職追奪告身經營各官姚思仁下吏工部覈處以德陵兩



壞也

故

吳世揚贈光祿少卿廕監

外戚劉文炳文耀進都督同知

裁大同府北路同知

薊遼總督傅宗龍密陳防海疏欲盡撤皮島兵以節浮費兵
科給事中常自裕言島師一撤誰探建人之動靜誰照屬國
之聲援不可不詳籌也事下兵部

戊戌太監閔思印降奉御楊開泰降火者以其縱役婪索也
官兵追賊于郿縣之五丈原斬一百八十一級

巡按湖廣御史白士遴吏部例推陝西按察僉事以未回道

不許

己亥賊再陷鳳縣知縣胡遜二洞病死縣設于棧道中轄

六駟去寶雞漢中八百里而遙漢南招撫之賊一出棧道西

陷麟游永壽東陷同安

庚子賊走鳳翔西趨沔陽隴州官兵追之長寧清水間

叅將劉光祚為副總兵署都督僉事又萬年進署都督僉事

候副總兵


辛丑故

李正中贈兵部車駕郎中

國權

崇禎七年

三六



賊陷盧氏縣

壬寅予故

陸卿任

宋一桂祭墓


癸卯青部院清獄稽緩

乙巳洪承疇自漢中西援甘肅

鳳縣往寶雞之賊為官兵追至郿縣斬一百八十二級

巡撫陝西右僉都御史練國事奏言今日之最難者有五曰
關兵之難榆林甘肅寧夏為天下精兵處大盜起于延綏榆
林兵力不足遂大調甘肅兵成功自寧夏喪師于靈州甘肅
喪師于涼州今防掉漢且不足能分以剿賊乎榆林之兵止

五千陳奇瑜帶之別省三賦三面入秦防兵不過臨洮固原
且素稱防秋又當西還則兵愈少曰關餉之難往年民運速
而年例遲今年例足額且至而民運寥々曰西安鳳陽翔兵
荒所留新餉支盡不抵三鎮之用司府無可借餉將安出曰
關官之難官非盡不肖咸重功名愛性命荒盜頻仍有叅罰
戴罪陞轉無期有俸錢絕無望斷家鄉有追贓客死有失城
就逮道府且不樂就何況有司令官闕三十餘員行取考選
秦省無一人獨非仕國乎則闕官固宜補而叅罰亦宜少減
也曰宗祿之難秦俗囂悍貧宗尤甚垂涎賑金漸不可長曰




駟遞之難秦晉駟遞例不全給今募夫更若十倍飛報邊情
在火牌勘合之外與別省不同故人思遁凡在衝路且全
給以安其心
丁未工科給事中范言收借限田上以收借必至擾民
限田尤屬混占切責之
戊申陝西按察副使賀自鏡以家在縣李清店屠于賊
奏監紀太監孫茂霖玩寇監視宣府太監王坤奏監軍紀功
罪耳追逐有諸將在有撫按道府在果自鏡言則地方官罪
不在茂霖下矣

庚戌薊鎮火藥局災

洪承疇等自盩厔郿縣渡河抵岐山向平陽東分三道東往
涇州鎮原寧州而大勢盡向靜寧秦安清水間寇十餘萬承
疇戰兵才三千在漢中總兵左光先游擊趙光遠靳桂香兵
三千四百有奇在臨鞏總兵孫顯祖兵千五百叅將卜應第
吳弘器兵二千在平涼副總兵艾萬年兵千人止可城守其
游擊王永祥馬獻圖分成者不預焉總兵張全昌等兵六千
專視盜所向為援剿

陣亡太監楊遇禱贈忠勇營中軍廕錦衣衛世百戶



壬子西鄉納溪賊突犯四川副總兵
七級淹數百人

冒雨擊之斬四十

故總督河道工部尚書朱光祚卒于獄

秦山盜數千逸出峪口欲東走靈寶西走閬鄉官兵追殺之
仍入秦山


六月乙卯朔洪承疇奏漢南之東自洵陽白河平利至興安石
泉漢陰西自西鄉洋縣漢中至沔縣寧羗界略陽各接楚蜀
今各省大兵盡入楚蜀又五省督臣在後各賊必仍偏入漢
陽南陝西巡撫練國事移駐商雒禦豫楚大寇巡按范復粹

以西安久旱斗米五錢人心搖移駐省城彈壓深憂漢南
親藩重地謂臣一移動恐楚蜀大盜復入但邊疆事重馳援
甘肅臣難兼顧見在豫楚征賦延鎮之兵宜遣回自顧三議
練兵兼制下盜

張鳳奇守永平闔門殉難廕弟鳳梧入監
叙禁旅功太監曹化淳加級世錦衣衛正千戶袁禮楊進昌
朝盧志德各百戶賜金幣餘各有差

閬南兵敗賊于納溪斬三百七級

丙辰總督宣大張宗衡請許口部夷貿易茶粟從之



總兵陳洪範自請減俸漢有旨趣赴登州

丁巳故兵部左侍郎程鳳翀予祭葬

臨洮總兵蔣一陽以怯敵戍邊仍准原襲

戊午諭吏部館員應先歷推官知縣科道不必盡由考選二

甲每十四授知州三甲每十九授知縣俱令涉歷民事俸滿

一體考選

己未戶部遣主事余鷗翔市銅荊州常德

辛酉禮部攝南渭王府事

壬戌故下荆南道副使徐景麟遣戍

癸亥總督宣大張宗衡報崇禎六年十一月至今共收降夷

男婦一萬二千八百二人留陽和壯夷四百八十六人幼一

千一百五十六人

巡撫遼東方一藻報建人西行

乙丑予故武進伯朱


祭葬

丙寅總督陳奇瑜同撫治鄖陽盧象升剿竹山竹溪各山寇

連戰斬一千七百五十三級

丁卯兵部言宣府降夷千餘安知其非投建人作奸者宜慎

備之報可



兩當知縣杜世薦下臺訊先棄城遁也

流賊犯郿縣為鄉兵斬溺者甚眾寶雞岐山義勇聞風率先
賊敗去

叩眉茂峨眉丹稜蒲江蘆山犍為青神大邑峽江等縣各大
早是日大雨至壬午水溢壞城垣田舍人畜比美

戊辰飛蝗蔽天

己巳副總兵劉成功柳國鎮艾萬年等以三千人戰于寧州
之襄樂多斬獲俄賊眾伏發被圍萬年國鎮敗沒失亡一千
餘人兵將俱重創

庚午總兵許成名鄧玘等三路攻賊于平利縣斬共一千七


百五十三級

報賊掠均州

癸酉有虎入嘉定州范氏樓上斃之

責巡撫四川劉漢儒縱盜逸秦着各督撫協剿殲不得以尾
逐塞責

甲戌先是總督陳奇瑜圍李自成大部于南山車廂峽蓋入
漢中路非華山也會連雨四十日賊馬乏芻且苦濕死者過
半弓矢俱脫賊大窘乃自縛乞降奇瑜許之各給免死票回



籍是日出山

吏部請贈故

林欲履謂濫恩不許

乙亥搃兵張全昌副搃兵賀人龍以三千人至清水之張家

川斬賊一百六十餘級

丙子先是各部院與吏禮二科奏議銓除考選 上責其仍

執前議漫無更定祖宗為官擇人意豈盡如此至是吏部議

于二甲前八人仍除進士第九第十除知州餘除主事第四

第五第九第十俱知州至二甲未止于三甲如舊除評事博

士中書行人十之一推官知縣十之九惟館員國初楊士奇

張洪自王府審理教授儲懋王洪陳山自給事中于敬自御

球李時勉自主事黃淮自中書舍人蔣驥自行人胡儼自知

縣鄒濟陳仲元自教職今定甲戌科為始選庶吉士臨期題

請亦館員應令先歷推知之明意也又科道官每三年朝期


留題行取推官知縣知州與評事博士中書舍人同考科道

及部寺等官如非覲年遇急闕風憲照往例行取不必懸人

待考部屬才著同部科酌題此亦科道不必盡由考選之旨

之意也

丁丑董用文以原官鎮守保定等處兼備倭寇搃兵官



御史姜兆張降上林苑監署丞

張同全昌追賊失利都司田應龍張應春死之賊連勝益驕
欲犯西安涇陽三原等縣洪承疇令總兵曹文詔以三千人
自寧州真寧往援

己卯蘭州知州李景時遼東義州選貢生也遭亂僑家南京
舍人以河西道朱純書投左都御史張延登求南闕被東廠
緝獲下鎮撫司遂逮朱純等

流盜陷華亭縣

辛巳方逢年為南祭酒李建泰倪元璐為左右庶子錢士貴

為南鴻臚寺卿

壬午寧夏總兵官馬世龍擊插漢于棗國堡計斬一千四百
餘級

洪承疇令總兵曹文詔至真寧湫頭鎮叅將曹變蛟擣賊追
殺三十餘里文詔率步卒從之賊數萬四面圍我數重文詔
力竭僅以身免游擊平安等陷賊二十餘人失亡勁卒四百
餘人


建國圖大同

禮部左侍郎林釡歸省

國權

崇禎七年

三十三



癸未官兵于上津斬賊二百十六級鄖之江南巨寇搜剿殆盡江北鄖津近商維盧氏竄入焉

甲申湖廣副總兵官楊正芳率兵擊賊于秦界嶺斬五百六十一級

登萊總兵楊御蕃罷

城固三原武功之賊官兵擊斬五百十六級

陳奇瑜于硤石獅子山剿秦晉遺賊斬七百二十五級淹五千餘人墮崖死者二千餘人


戶科給事中杜三策行人楊掄還自琉球

洪承疇駐三原雖兵止二千五百張伏設疑賊遂屯淳化耀州境上未南下涇陽三原尋由耀州奔富平東走同州朝邑欲渡渭河

七月乙酉朔陳奇瑜等擊賊斬三百七級賊走平利興安紫陽洵陽又楊正芳等斬賊七十四級

降盜二三千人復陷隴州陳奇瑜聞之知勿決因檄各屬嚴守待師

諭兵部國家崇重武階非功不授近來札付加銜僭朝廷名器妨賢滋偽糜廩尅軍大非法體向查禁未見祇遵着兵部



下各督撫鎮嚴加飭核如果技勇武功量予給札至僉書守
備而止其餘罷閑雜職黜衿猾胥等徇私冒濫俱汰革追札
禁札付加銜

戶部上錢法十議 上是之

加築京城厚一丈

丙戌日食

光廟選侍馮氏封敬妃邵氏封慎嬪

賊出武安

丁亥李國裕陸卿鴻廕錦衣衛副千戶世襲

戊子進士顏茂猷上所纂脩七種道統元集天道管窺聖道

管窺祖訓廣義君道迪吉錄臣道迪吉錄兩都賦

方逢年為祭酒

從工部請重農積粟命山海薊門等處牧場外堪耕者許軍


民開墾永不起科

降盜執撫牌詒寶雞縣城知縣李嘉彥不納賊遂攻城我炮

卻之賊夜遁越二日陳奇瑜至獎勞嘉彥

已丑洪承疇奏見賊在慶陽西安拒敗官軍猖獗如此其臨


鞏秦州清水興平涼固原及懷慶以北各賊可十四五萬



大抵賊自七年非昔日比知官兵止一二萬人勢必不能先
馳先嘗遜兵今迎敵恃其勢衆旁伏進則剿殺之難賊皆
有精騎賊每跨雙馬官軍馬三步七則追逐之難賊攻堡掠
野到處可資官軍待廩轉運則糧芻之難賊入山負嶠官兵
相持一日即坐誤一日則時日之難且請鹽課銀三十萬加
曹變蛟秩鼓其敵愾而兵部以秦人李遇知等告急請濟師
措餉因言原調共七萬二千督臣派一萬五千有奇扼楚者
一萬五千有奇扼豫者一萬五千有奇九千防蜀隨征督臣
者僅二萬二千有奇曹文詔三千張全昌一千五百張外嘉

二千五百與秦中諸將部兵總二萬二千分禦毋怪乎連戰
失利也較原額尚少一萬宜督臣自補西兵今將王承恩援
兵五千加以二千又甘肅寧夏共募五千及前調四川兵九
千并鎮寧兵可一千五百俱赴督臣行營責王承恩擊郿延
之賊責尤弘勳虎大威 馬科劉光祚擊窺晉之賊責董
用文以兵五千分駐臨磁一護畿南一防河北加曹變蛟副
總兵

征西將軍左都督鎮守寧夏總兵官馬世龍卒
庚寅馬之麒為司業項煜為南祭酒



進曹化春都督僉事世錦衣衛千戶

辛卯賊至鳳翔西關藉口奉督撫文安揮城內守城知為巨寇詔以為門不敢擅啟須縋城而上九縋三十六人盡殺之總督陳奇瑜因借以為辭叅地方官紳撓撫局激上怒命緹騎逮寶雞知縣李嘉彥及鳳翔鄉紳孫鵬等五十餘人


下刑部獄

設遷曰南山車廂峽之役困于積潦天假其會得有此日倘懸險激擊數萬之寇一鼓可殲而陳總督為其所愚得以及噬噫天與不取反受其咎庸閫誤國曷可勝言哉

建入大同張家口又入膳房堡焚龍門關

延綏遺賊穴于延小關蓋秦晉之交也撫臣自延川進兵明日抵其地斬一千一百餘級餘遁

叛兵楊國棟等擁三千騎披雙鎧直抵西安城下乞撫巡撫按范復粹無計惟登陴固守明晨巡撫練國事在鄠縣聞之馳還登南城檄賊至濠講一日夜未決度不受撫必西走鄠盤屋密檄沿途官兵飭備更設伏于盤屋境上之夾水溝時禾茂泥淖騎不任馳伏發火攻殲其半國事又遣官招之諭殺渠自贖予上賞頃之賊黨斬國棟以首獻賊人自疑互



賊千餘人餘仍入南山

壬辰建 陷保安懷來命寧遠總兵官吳襄山海關總兵官

尤世威以兵二萬分道援大同時遼東積安頗有言巡撫方

一藻總兵祖大壽通建 故移其營于西

洪承疇令曹變蛟赴三原

發帑五千金蟒段二十匹紅段二百匹紅布二千匹給監軍

太監高起潛賞功

故鎮原知縣董三謨贈光祿寺丞立祠婦李氏樹坊

癸巳京師戒嚴

進總兵官董用文太子太保王加春右都督王脩仁都督同

知洪光署都督僉事

楊文舉陳立先各廕錦衣衛百戶

忻州知州史臣贊遣戍

建 屯膳房堡沙嶺往陽和

甲午予故 吳世揚祭葬

乙未洪承疇趨富平轉入渭南過各賊


叙州定遠堡母猪龍洞聞銅鼓聲一日一夜

丙申吏部以前兵部員外郎李懋學推順德推官有旨懋學

國權

崇禎七年

三



前推真定未久奉旨甚明何又遽推順德且述旨不詳責尚

書李長庚回奏文選司自外郎程良籌落職下刑部

丁酉建寧圍宣府被炮擊退在深井天壽山守備王希忠以

聞命亟保收人畜

戊戌建寧四掠永寧明日官兵值之敗去

大同報斬一百五十二級退

命保定巡撫丁魁楚移駐紫荆關山西巡撫戴君恩移駐鴈

門關總兵陳洪範移駐居庸關

己亥御馬監太監黃鍾育尚膳監太監王之俊潘良臣符國

祥張國用楊君慎司禮太監監孫朝喜俱提督忠勇營

洪承疇次華州各賊聞之自朝邑折而北奔澄城郃陽

閩鄉靈寶陣亡各官

張元機贈游擊將軍

胡良翰

陳所學贈都指揮僉書

建寧陷鎮羗得勝二堡守備許平膚降之

庚子太監孫茂霖監防紫荆倒馬二關

大盜混世王等從鳳翔郿縣東奔盤屋鄠縣云犯西安洪承


疇馳一晝夜明日入西安預檄富平閩兵及張全昌兵自清

水沔陽鳳縣已到涇陽俱赴西安合兵擊賊颺至西安之

國權

崇禎七年

三九



東境我兵疲未出

河南 搃督陳奇瑜報楚賊略盡雖上津殘寇易圖之也

聞漢中西鄉洋縣城固賊亘二百里即回京西行

辛丑兵科給事中常自裕上言太 不可以輕敵乞樞部統

計天下兵馬十抽其七飛調十餘萬以圖合圍庶克有濟章

下兵部

壬寅許黑雲龍朝參

洪承疇恐流賊自渭南華州東出潼關也先令張全昌副搃

兵曹變蛟間道走出渭華過其前承疇出至潼關紅鄉溝追

賊游擊李效祖栢永鎮力戰自辰至申賊始卻不能出關因

登山承疇自潼關星赴藍田欲山後間道剿之

甲辰宣大搃督張宗衡請禦胡用火攻募義勇約帑五萬金

上許之

督脩歷法山東方參政李天經上歷元二十九卷星屏一

建 圖大同左衛

盧象升追上津賊于七家溝共斬一百八十六級搃兵鄧玘


功最

乙巳代府東強王鳳錚薨

國權

崇禎七年

四



丙午賊二三萬人登山自知官兵意中夜走商雒山初大盜
馬守應等萬餘人先踞南商雒山中今又賊萬餘其地疊嶂
重岩越險阻即可出洪承疇又率張全昌趙光遠共兵三千
赴潼關大峪口截其出仍哨關鄉靈寶諸處交相備也而前
淳化耀州富平賊李自成張獻忠等東奔陷澄城縣圍郃陽
旬餘聯絡百餘里聞承疇大兵至解圍由清水秦州窺平涼
邠州矣或南或東無定局也承疇乃上言今日官兵必數千
或萬餘合成一旅方可決戰今商雒各賊外有堵兵而內無
剿兵澄城各賊臣督萬兵分兩哨合力以挫賊鋒至平涼邠
州等賊無兵分應則今日賊勢斷非見兵可滅此尤事理之
易見者也

丁未王楫為右僉都御史巡撫寧夏

玉牒多舛領宗人府事駙馬都尉王昌罰俸半年

建陷保安州殺知州閔生斗

戊申後軍右都督黑雲龍管神机營右副將

建西行新安堡游擊頗重耀乘其半渡擊卻之

巳酉建窺朔州圍渾源州


福建北路叅將鄧樞失事戍邊故

指揮王克威贈游擊

國權

崇禎七年

里



將軍


大盜至維南。搃兵尤世威。兵潰天津營。叅將徐來朝赴援。道遁賊。越盧氏。奔永寧。先派守蘭草。諸隘各兵露宿。三月致疫。痢不任戰。游擊劉肇基羅岱重創。

庚戌。上諭兵部尚書曰。天厭兇夷。今來授首。惟念我中國諸將士陷于中。向值勢窮。窘于迫脅。或憂詭畏禍。誤投羅網。誰無父母妻子之想。即前在瀋陽相聚。西望而悲。亦可見矣。朕甚念之。今既到中國。乘機作事。如斬小寇。首賞三萬金。封世侯。斬偽王子。賞三千金。封世都督。斬頭目。首賞一千金。

世錦衣衛

設遷曰。國家法網過密。當其危急。異度外之士。懸非常之賞。卒不見信。謂烽燧少弛。文法吏仍謀其後也。如靈州貢士陳有增。陷胡脫歸。求應禮闈。以削髮半奪其貢士。夫陷胡削髮。非其心也。彼豈能矜漢人而髮全之哉。假能擒斬立功。必徇于胡。庶或伺間逞便。入于中朝。又曰。爾何削髮。忘故俗也。功不足賞。而法不容貸。嗚呼。此李陵衛律之所。所以甘心于匈奴也。

大同左衛之下。南犯威平堡。操守大同後衛試百戶樊亂鼎。



私以牛三羊七布六足酒二疋勞之遂解圍南掠平東平

大水勝縣東關龍起水淹人比美

保寧廣安忠綿鄆都安縣彰明吉津等俱大雨水傷禾

辛酉雒南賊抵上下固縣營南河又賊數萬自雒南箭草嶺

往索塔河盧氏靈寶之交也

壬戌總兵尤世威失利被創回盧氏巡按撫河南玄默撤左

良玉兵自內鄉陳治邦馬良文等自雒陽並起盧氏為援慶

陽賊徂勝乘勢南下烽火徹三原涇陽耀州富平

癸亥戶部以外解不前諫責成撫按之法從之命御史回道

嚴加考覈撫臣歲終查奏奪

副總兵楊士恩追賊于石泉填斬二百七十三級

揀漢虎墩兔慈又犯寧夏廣武營官兵追斬共四百十六級

湖廣總兵秦翼明至上津縣商州賊犯豐陽豐陽古廢關地


接秦楚而咽鄭襄者也豐陽後有小徑曰阜川口可通鄭西

鄭陽撫治巡撫宋祖舜今游擊周士鳳以六百人戍阜川口

翼明夜發兵架梁入賊營後昧爽分兵搗其營賊稍怯斬百

四十九級

巡按陝西御史范復粹言漢南興安流賊入商山度今日之



勢非總督洪承疇不可甘肅已退秋防尚遠督師陳奇瑜
急宜拔旅而前鄭陽新撫盧象升亦宜顧漢南興安督臣暫
駐于漢撫臣扼賊于商而寶雞郿係賊出路總兵楊麒禦之
分局合剿焉


八月甲寅朔姜光先為署都督僉事總兵官鎮守臨洮
建上園蔚州

故行人楊于階贈光祿少卿

尤世威自盧氏東行

先是上憂寇無已時召諭戶兵二部于是以淮撫兵二千

三百楊御蕃兵千五百扼南畿要害護 祖陵以董用文兵
五千赴彰德倪寵等兵三千牟文綬兵二千赴山東河南協
剿以河南兵一萬五千九百湖廣兵一萬五千李重鎮關兵
四千九百四萬五千並起河南以秦賊止在商雒者入河南餘
數十萬尚在涇陽三原間洪承疇勢不能守舍秦入豫命湖
廣巡撫羅象升加總理直隸河南山東四川湖廣等處軍務
俾統各路征剿其承天兵三千青巡按余應桂居守如秦寇
盡入豫承疇督剿西北象升督剿東南如賊復入秦則象升
亦入關而豫賊有自中牟直走洧川有自祥符轉入尉氏旋



突禹許長葛間而豐陽關之賊不得出轉出朱陽關也靈寶
凡十三營其前部三營張平國往許州王成龍往鄆陵許文
冲往尉氏大營在永寧盧氏約九月向山東以誘我兵出東
赴因襲汴梁也

乙卯以延綏東路叛兵與流賊合在盩厔官兵擊斬一百九
級鄉兵擒斬七十六級


丙辰叛兵自斬其渠魁楊林降者九百六十餘人官兵又斬
三百十八級擒三十人是日魏家坡追剿甘泉劫餉之賊又
斬一百餘級

賊攻盩厔知縣田時暢拒卻之

陳奇瑜報降賊解散男婦一萬三千八百七十七人斬渠魁
十人俱延安定等縣民俱令還鄉

建下 陷代州

丁巳賊從隆德犯華亭流賊過靜樂攻隆德知縣費彥芳告
固原道叅政陸夢龍駐靜寧州聞警星往援先遣把總王珍
領二百人往即遁明日隆德陷彥芳被執殺之夢龍戰龍德
城外都指揮石崇德游擊賀奇勳俱陣亡事聞俱祭一壇贈
夢龍太僕卿



戊午夜李自成陷咸陽殺知縣趙躋昌洪承疇援兵臣值于
城下賊棄金帛餌我兵竟西遁

戶科給事中宋汝請羈縻插漢不許


設遷曰插漢棄所部西遁各帳離散一窮胡耳雖躡躅西
塞其志未嘗不覲市息也誠發間使示以漢德天子不忘
爾流徙薄給金繒酬往時效順之義否則興師以問彼方
急時何所不靡則我餌一敵以蘇一隅計無便于此而時
方執犁庭之說毆之以合于建即痿者不忘起獨不念
我積困耶

官軍擊應州斬一百三十餘級

庚申總兵張應昌擊咸陽賊斬四百四十九級俘其軍師劉
某兵氣始振回涇陽李自成屯醴泉之石鼓趙村別部屯淳
化耀州接七里原

阜平人訖言至知縣薛二樓驚遁山中
辛酉吏部題考選畫一之法有旨推官知縣考選原重官評
何得但拘進士其考法及教習事宜俱依擬

壬戌諭工部直省所解盔甲刀矢視崇禎五年式時頒弓力
自四以上至七止違者駁責



癸亥故山東叅政陽城張光奎贈光祿卿廕監故游擊張璽
贈都指揮僉事廕副千戶

劉自安贈守備仍恤其家致祭并旌其婦女

建分犯東路至繁峙中路至八角自西路至三岔

賊陷隴州屯州城及汧隴間浹月陳奇瑜次鳳翔令叅將賀

人龍等援隴州賊圍之

前太子太保工部尚書姚思仁削籍王永光奪官銜思廕鍾

羽正白所知奪加銜追原賞丁茂遜王佐王舜鼎奪加銜陳

長祚蕭近高能尚文吳用先吳仁度追賞嚴士節褫職路周

道白受采免官并察處致仕官帝國賢等六人追賞陸之祺

等見任降罰有差

乙丑河決歸仁隄

丙寅魏肯構降補上林苑典籍


少詹事文震益請改先帝寶錄上以冊立皇祖默定

張差實風癩然異變宜究紅丸輕進但意亦忠愛諭旨即為

定案不必議改

壽寧大長公主薨

丁卯官兵夜馳五十里曉渡涇河賊遇我夫亡二百餘人仍



回東岍 三橋畔

兵科給事中林正亨請樞臣視師不許


戊辰張愈昌戰涇陽敗績


鄉兵擊華州渭南賊欲奔雒南者斬一百五十餘級

旌唐王聿鍵助餉

瑞王常浩奏言臣自就封次年即有流賊嗣後蔓延不已上年十一月晉賊渡河掠湖廣分入漢中興平破洵陽偏興安守道王在臺固守幸游擊唐通兵至搃督洪承疇遠赴城賴以全今撫臣練國事兵招商雒間巡按范復粹馳赴漢中賊

始奔四川近境稍靖不謂鳳縣又破矣棧道並絕不數日川賊復入秦州等處楚賊再上興安六月間自興安入西鄉境幸制臣行後委監軍道樊一蘅督兵控扼堅拒兵寡賊衆遂入漢郡經行寇騎旬日不止游擊唐通所部兵三百人張疑設伏賊不敢渡江而北今東又有洋縣之賊北又有鳳縣之賊西又有沔縣寧羗略陽之賊終不知作何狀也賊到處烏合簡其精壯藉為前驅婦女老少收為臧獲急則用之餌敵故諸臣動稱斬馘報捷賊勢不減閩中惟漢中孤危去撫鎮皆千餘里





御史梁雲構上言五畫脩國闕頒爰書重功賞撤名督逐流
倡章下所司

已已建突攻大同五日而退西安堡左翼營游擊榮繼雄
拒卻之

巡按山西御史馮明玠報云崞縣知縣黎壯圖降

建陷靈邱縣入崞代理崞縣知縣黎壯圖辭髮降之犯忻

州知州王凝命力守

井坪路副總兵李國樑拒上卻之

夜月食

辛未吏部尚書李長庚因推李懋學削籍

逮繁峙知縣蘇弘化

諭部院諸臣曰國家明經取士期遇甚厚朕惟御極之初撤

還內鎮舉內外大小悉以聽之不意諸臣營私卸過因恤民

艱全置度外甚有蝕剝為陞官肥家計一二廉謹者又

拘泥迂疎慢視職掌或性乏通警屬下欺蒙即有一二不能

不瞻徇情弊私又因循推諉居恒但有虛聲有事均無實濟

已已之至致逆胡直薄京城宗社震驚舉朝束手此士大夫

負國家也由是不得已矧成祖例監槍之例分遣各鎮監

國權

崇禎七年


四九

視添設兩部總理雖一時權宜亦欲諸臣自反數年來軍馬
經制粗立錢糧稍清而諸臣或有亦不省于衷矣今將總理
監視等官酌量撤回以信朕之初心張燾憲侯漕糧將竣回
監供職李奇懋魏相康朝張國元盧維寧魏國徵王之心鄧
希詔俱回京另用張元亨崔良用仍俟寇平會同撫按市馬
王希忠除去查飭炤舊守備惟閩寧偏近 巢高起潛率原
屬各官兼監兩鎮京營內臣提督管理炤常雲鎮被 登鎮
縱奸俱候另議內而部司外而督撫鎮按道將共體時艱各
圖表見若復蹈往陋仍二自便不惟國典具存抑諸臣之忠

猷何在良足耻矣
起王威摠兵官領延綏寧夏各兵並援太原仍會閩遼宣大
犄角之

光祿寺言外解糯米不如格申飭有司其鎮江舊無額派姑
自八年始
建 犯保定竹帛口千總張修身敗沒
祭酉諭祭故 楊爾繩

甲戌召諸勳戚及文武大臣于平臺問誰堪冢宰摠憲者命
各給筆札即條對吏部左侍郎張捷曰臣今日之所舉與衆



不同 上許之勲戚在殿西室文臣在殿東室提持筆四顧
大學士王應熊目屬之諸臣覺其異及下筆則前兵部尚書
呂純如也時諸臣或舉推鄭三俊勲戚擬亦如之或舉推唐
世濟提曰提憲可世濟家宰非呂純如不可俄入奏力言純
如之長科道曰純如列逆案不可刑科給事中姜應甲言之
尤力捷失色 上問溫體仁對曰謝陞可 上曰爾等其諦
思之命收單而退應熊故善周延儒而純儒_如又與延儒善者
體仁陰主之
乙亥南召吏部尚書謝陞右都御史唐世濟


賊陷同官縣

叙安邊功臣進沐天波太子太師提督朱燮元少師廕錦衣
衛指揮僉事侯良柱左都督廕錦衣衛指揮使劉可訓仍巡
撫加一級世錦衣衛指揮同知鄧玘左都督世外衛指揮同
知盧世卿都督僉事世外衛正千戶王加貞都督同知楊正
芳署都督同知俱世千衛正千戶范邦推實授都督僉事世
外衛百戶陳謙如署都督同知年文綬都督僉事方國安劉
鎮藩各副提兵俱世外衛百戶故 林兆昂贈太子少保
故 李維新胡從義俱贈都督同知正外衛千百戶餘各

國權

崇禎七年

五十一



有差

總督陳奇瑜專事招撫由城固入漢中降盜解散萬五千二
十八人斬渠魁四皆延安人也勒降人回籍行八百里至寶
雞等縣頗殺掠官兵捕斬三百餘級且調兵俱到故盜復向
蒲城以回延安是日解散九千三百五十人殺渠魁一亦延
安人

丙子盜張儒黃文昂等陷桐城縣

刑科給事中吳甘來糾吏部左侍郎張捷報聞
洪承疇至富平詰朝至馬家村掩盜不備其鋒高傑甚銳承

疇還富平夜襲營殺二百餘人斬六十餘級偵大盜在富平

臨潼南界

丁丑南禮部尚書上言皇太子年已漸長應請令

出閣講學上是之

胡公曹成邊

高傑降于賀人龍人龍率以襲賊卻之

戊寅賊自鞏昌圍靜樂縣


己卯左良玉敗賊于鄢陵之張橋店

戶部請撤楚兵省餉留秦餉結秦局從之

國權

崇禎七年

五十二



夜建下由拒墻堡出塞

命總督薊遼傅宗龍駐昌平護陵并督運至懷來

庚辰叅將李雲程馮良文等合兵敗賊于彭祖店鄆陵賊折

而西南奔汝州尋入禹襄城臨潁與汝魯山寶城續至之賊

相接

勞宣大吳襄援兵羊三十隻

御史張三謨糾吏部左侍郎張捷報聞

辛巳祖大壽以兵四千人西援命駐防薊鎮密雲

壬午以鹵簿大駕成賜各臣金幣

賊自靜寧州犯莊浪縣

建犯大同右衛

癸未保定巡撫丁魁楚進右副都御史

諭兵部曰直省各郡邑脩防儲練不盡遵化如畿縣各城半

不堪兵多不整火器不全甚至保定文安土垣破門永清東

安香河通無鄉良鄉等粒米束草俱乏房山無火器涿州不

惟無糧草即城上懸簾亦損壞如此景象何裨緩急其嚴飭


急圖以贖前愆

有大星從狗國墜大同營

國權

崇禎七年

五三



閏八月甲甲朔進陳伯亨都督同知

兵科給事中蔣德瑗上言部屬改授科道則南京亦應量改
章下吏部

乙酉建下攻宣府萬全左衛守備常如松炮卻之

寇陷靈臺執知縣石懷玉

洪承疇遣兵擊延綏西下斬四百五十餘級西遁

命鑄督發援兵糧料協理易州餉務關防二給林弘衍畢拱

辰

巡撫四川劉漢儒免

丙戌中書舍人喬可聘劾戶科給事中呂黃鍾吏部左侍郎
捷張初黃鍾言冢臣關係甚重欲于侍郎擇用一人績之蓋
為捷地也

丁亥建下陷宣府萬全左衛宣府把總常承恩襲建下于半

房堡南火攻之守備常如松指揮杜詩秦之英並死之

賊薄平涼延安

戊子叙西鎮卻下功臣進洪承疇一秩廕監


己丑暹羅入貢

榆林衛布衣高廷臣上兵机譜說稿三卷以犯廟諱放歸

國權

崇禎七年

五十四



庚寅工科給事中范淑泰劾大學士王應熊侍郎張捷同謀

黨附大肆欺擅 上責捷回奏

脩永定廣寧左安三門

建 出塞蹂躪宣大諭五旬殺掠七萬 總兵吳襄尤世威分

道援大同襄失利世威部將視寬以七百騎戰大同北門斬

三十餘級又宣府總兵張全昌戰渾源州稍利或遺吳襄鳳

冠袷服弓履以耻之

辛卯賊陷崇信

王弘業王先通爭襲新建伯下吏部勘議

癸巳王維章為右副都御史巡撫四川

刑科給事中吳甘來劾吏部左侍郎張捷薦呂純如翻逆案

純如用而邵輔忠張樸輩更可用也

故遼東副總兵李甲贈右都督


命鄧玘回鎮所部兵發薊鎮派防

賊陷白水縣知縣龐瑜先遁

甲子 上御文華殿日講畢仍召閣臣于前日 既出口宜

招撫難民各將不過零級援兵可撤者即撤之王應熊曰彼

利子女金帛耳禾田未損援兵駐城西刈禾牧馬民甚苦之



錢士升亦以為言應熊又曰山西崞縣止二十騎掠子女千餘人過代州望城上親戚相向悲啼城上不發一矢任其飽掠去之上為頓足應熊曰崞縣被陷捆載三百輜去數日官兵至報恢復上曰各官俱有罪下兵部核奏士升曰今城守李國樑守井坪第一何吾騶曰李秉春劉光祚等皆能守士升曰寔可擊失此機會吾騶曰當盡各省錢糧解來圖恢復士升曰吾騶所言是廣東事若江南罄帑並無存留且漕糧加派江南獨溢民力已竭不堪再困上又傳兵部設法市馬

乙未戶部上言官買銅鉛必給商引引滿百斤銅引稅一兩四錢鉛引八錢湖廣一千五百引臣部遣官山西陝西各千引下布政司四川一千引下分巡川南道北畿五百引下井陘道從之


刑部尚書胡應台終養

召故總兵王威

建出宣府塞議撤援兵

丙申盜陷涇州殺知州婁秀

江西河南雲南大旱



陽曲王府立崔氏言其第三子慎鈿當襲而葛氏將所生四子慎鈔越稱次子謀襲章下禮部

司禮太監盧維寧還自朝鮮

丁酉 道御史任贊化降河南布政司使照磨

許陝西巡撫練國事暫停積穀一年

戊戌兵部申飭武場事宜雜塗宜議技勇宜併貼式宜清中式宜定邊腹宜分從之

己亥工科給事中范淑泰論大學士王應熊侍郎張捷同謀王維章不載西寧被劾處分之旨 上責捷回奏

巡按陝西御史傅永淳報流賊自華涓敗後至寶雞以南直抵漢上七八百里皆賊盤踞路梗八月始通據寶雞鳳縣蓋分三道其二據漢中延廊其一華涓商雒


復大同井平路

副總兵李國樑仍進署都督僉事

蘇元相下獄

庚子故陝西甘泉知縣蒲來舉贈光祿少卿詹子入監

壬寅陳奇瑜至鳳縣見賊熾北接慶陽西至鞏昌西北至邠州長安武平西南則蓋屋寶雞衆殆二十萬始悔其見愚分



兵出禦而兵寡矣初寶雞知縣李嘉彥城守奇瑜勞之千金已見連破七州縣并劾寶雞知縣

癸卯諭吏部天下提學官近來進取冒濫請託公行苞苴巧納皆由學臣推舉非人考覈不嚴之故也今學臣負闕務擇品行貞方學術純正如聽人營囑試用不效該部院及保舉各官一體追論又舉人宜聽巡按御史考察議未及行

丁未吏部稽勲主事董羽文下獄

夜木星犯奎宿積屍氣督脩歷法山東右叅政李天經進列星圖云木星之行甚遲旬日有奇始行一度

戊申錄囚命戶部尚書侯恂主讞


辛亥少詹事姜曰廣為詹事仍管清黃方中允蔣德璟為右庶子署司經局

故寧夏總兵官賀虎臣贈都督僉事予祭塋世廕外衛指揮僉事

史開先贈署都督同知張問政江坤等俱贈都督僉事並血戰陣亡

鄧茂官實授都督僉事仍加都督同知

壬子總督宣大張宗衡巡撫宣府焦源清巡撫大同胡沾恩



巡撫山西戴君恩俱免仍議罪

故 蓋時芳贈太子太保廕監

九月甲寅朔陳秉衡署都督同知仍支勳衛俸

諭兵部居庸薊鎮練勁兵二萬

南吏部尚書謝陞為吏部尚書南右都御史唐世濟為左都

御史

唐王聿鍵上言通祿摘及南陽知府陳振豪章下吏部

丙辰巡按陝西御史傅永淳奏報流寇已出棧道攻陷麟游

永壽此即陳奇瑜棧道中所撫之賊也七月圍寶雞賺鳳翔

其招撫官三十六人盡為鳳翔守城士民等誘殺之

官兵至渭南臨潼間賊迎戰怯十餘里我追之賊恃其眾復

拒戰洪承疇親身督陣吏卒力鬪大敗之斬七十八級

予故刑部尚書吳中偉祭葬

河南盜奔內鄉鎮平壬戌至花園關

丁巳應天府地震


戊午大盜又突入平涼之畢家園分攻鎮原華亭汧陽

己未密縣知縣苗之庭敗賊于城外追斬十八人

庚申王恭廠火藥災傷死一千數百人

國權 崇禎七年

五十九



賊二千餘營西至函谷關東至河陽連屯百餘里官兵斬三

百六十八級賊萬餘連營于雒南閭鄉

壬戌夜宣府鎮河堡草場火

癸亥賊破扶風殺知縣王國訓

予故 王雅量 袁可立祭墓

甲子 蔣德璟 張四知主武場彰武伯楊崇

猷監武試

進許自強都督僉事改勅久任

乙丑日講官少詹事文震孟請予告不允震孟講春秋稱旨

溫體仁語之曰行相君矣何避也

賑淮安徐州和州以連年水災

丙寅故 翟鳳翀贈兵部尚書蔭子入監

戊辰萊陽王 與候選知縣蘇輔宸爭產王怒毆其族人


蘇輔世諸生蘇濟世等因率眾大譁萊陽王同諸王入察院

訴于提學僉事胡澥毀冠仆地從人因擊諸生澥諭諸生各

散事聞

庚午吳姓為右僉都御史提督鴈門等關巡撫山西楊嗣昌

昌為兵部右侍郎總督宣大馮英為刑部尚書章大章改南



禮部尚書

禮部尚書曾楚卿罷戶科給事中姚思孝論其天啟時要典副總裁也

辛未予故

楊于階祭葬

壬申叅將賀人龍受圍于隴州游擊王大明援之失利

傅宗臯為南鴻臚卿

諭兵部腹馬俵解祖制難以盡更仍舊本折兼收苑馬虧額前茶臣冊報七監馬匹強半虛數今欲清補牧地收軍盡釐收政各官蠹弊詳酌責成豈得空言設法并宣大市馬作何

易買確議以奏尋上諭兵部覈苑馬實數

癸酉倪寵為都督同知總兵官鎮守登萊防海

司禮太監張從仁改內官監提督九門

禮部言朝鮮貢役其貿易一節命議之

楚府蒙陽王宗室朱盛瀛上法利弊十二事章下禮部

召刑部尚書及刑科于武英殿

官兵擊雒南賊斬二百二十九級


甲戌大寇圍滎陽汜水及于密縣河南推官湯開遠同左良

玉自邾援密寇走登封尋入白沙新莊又折而西雒山之賊

國權

崇禎七年

空



犯真陽息縣光禹商城固始巡撫河南陳必謙上言防剿之
局全楚主客兵八千人防陵三千人豫撫之新兵毛兵石柱
兵千六百人專備鄭又分鎮草兵四千四百人備光化棗陽
緩急而德安屬之隨應孝感則參將馮時早等千五百人戍
之黃州屬馬麻城黃陂蘄州戍以都司周子元等鎮草兵辰
兵三千人總兵秦翼明領川兵二千鎮草兵千餘近又調周
繼光防豐陽之川兵二千餘聽約束扼棗隨之間臣止督副
將楊世恩雷時聲鎮草貴州兵三千人巡扼德黃之間總之
寇犯豫則楚兵宜赴豫真保游擊陳植之兵赴陳截其西還

而固商之寇欲上金剛臺商城境內徑道六百餘里直通淮
楚故遣陳永福自穎趨固始遏其流突霍陽之路李重鎮兵
為犄角此東南西道路防剿之局也其自高輦以趨邲禹致
密縣者是後西北大寇今由登封入嵩擾澗池檄左良玉趙
柱等赴剿此西路截剿之局也時河南盜知信陽有備自光
山犯麻城自麻城犯蘄水大營盡入黃州廣濟黃梅告急


鳳翔延翔賊俱入漢南援商之兵去漢南二千餘里徵兵未

到南雒賊乘虛入犯陳奇瑜鑄三級自効兵部議大勦河南

兵入潼湖廣兵入商四川兵入漢山西兵入韓城

崇禎七年

六三





乙亥葛寅亮為左通政丙子予故都督僉事郭應響祭
丁丑盜掠略陽縣時盜分部一由鳳縣舊棧道還攻漢中一
出略陽由陽平關入梓潼劍州犯四川一由寧羗犯廣元
張瑋為南尚寶司卿馮任為右副都御史巡撫大同
戊寅初安邊歸霑益安其祿歸烏撒奉旨各安其土及安位
以內戚右安邊擁兵入滇意在佐門搃兵雲南沐天波以大
義責之旋退命雲貴四川分任其責
寧前兵備道右叅議陳新甲為右僉都御史巡撫宣府
己卯賜武進士臚傳御殿

楊士聰曰甲戌辛未武場重技勇甲戌二場大風步箭中
少監者疏請但一箭准試于是所重又不在技勇也兩科
之中立法參差一至于此至原卷進呈往取九箭第為
狀元假上親至武場見所為馬箭未有不嫻其兒戲也
甚乃攜之文試使人控馬而馳相去尺許掉矢于其上此
必敵人相遇皆土木偶而後可也將焉用之

辛巳洪承疇自平涼遣副搃兵左光先等率兵間出華亭明
日抵隴州賀人龍圍始解

癸未故登萊搃兵官左都督張可大贈太子太保立祠廕外





衛百戶故

張其功贈都督同知廕指揮僉事一輩又

故

嚴正中贈都督同知世秩提旗故

何維亮王

之傳贈副提兵故

熊奮渭贈叅將故

余承胤贈都

指揮僉事廕外所千戶餘陞卹有差陣亡兵九百七十二人各給其家十金

棟漢虎墩鬼愁往威寧海子駐牧。

巡撫山海關永平等處右僉都御史楊嗣昌奏言今又八月

之二十三日至九月十九日土火金星聚尾分在永平遼

海之間其占主内外皆有兵驚

十月甲申朔兵科給事中史可鏡劾總督陳其奇瑜報撫賊一

萬三千人勒回延安似延安人專盜也又巡按陝西御史傅

永淳言漢南降盜出棧道渡渭水陷城占邑所在騷然昨報

寶雞縣殺一百五十餘員鞏昌鳳翔西安各報麟游汧陽隴

州隆德陘并三原攻劫皆所撫之盜陳奇瑜專主招降謂盜

已草心不許道塗盤詰入一邑而一邑不敢問入一郡而郡

不敢問開門揖盜剿撫兩妨恐種禍猶不止三秦也

乙酉推孫陞為戶部廣東司郎中謂嘗縱奸不負責吏部

琉球國中山王尚真奏贖使臣杜三策楊掄辭卻之

國權 崇禎七年

六十四

丙戌刑科給事中王猷請大閱命俟之
代府鎮國中尉充錫言宗祿已八年未給 上命速發之
先農壇成

丁亥王之臣為鎮西將軍署都督僉事總兵官鎮守廣西朱
國勳為署都督僉事總兵官鎮守福建
戊子命兵部主事 同內中軍張元亨崔良用往西寧監
視及茶馬御史易壯馬
已丑諭戶部督金花銀虧額二百餘萬
命兵部令四川巡撫嚴飭道將扼險偵防仍相機夾剿

叙中後所戰守功進祖大壽太子太保祖大弼補授都督同
知方一藻右副都御史餘各有差
巡撫山西吳姓言禦下 須塞外若入塞而援截其力甚難招
安流盜最宜慎重書云城厥渠魁脅從罔治未有舍渠魁而
繫散之彼狼子野心勢難馴服更邊地窮荒無居無食給免
死票遂草心易慮乎哉

禮部覆試貢士姚軒雲殿一舉四川羅儒臣廣西宋偉祚應
天黃美中李懷陳貞元除名

辛卯駙馬都尉齊贊化許奏戶部尚書周士樸謂墳價貌畧

